


中國佛寺志叢刊

趙樸初





清・陳世英等纂

丹霞山志
(上)

廣陵書社

丹霞山志

丹霞山志，十卷，首一卷。清陈世英纂修，陶煊等辑，释古奘、古如等删订、增补。清稿本。陈世英字石峰，康熙十八年（1679）任仁化知县，于康熙三十八年（1699）纂成是志。释古奘、古如均为丹霞寺僧，于雍正十一年（1733）增删续修是志。

丹霞山在广东仁化县城南八公里，以奇、险、美著称，与罗浮山、西樵山、鼎湖山并称广东四大名山。南明巡抚李永茂兵败退居于此，见山岩色赤如霞，遂以其家乡河南邓州的丹霞山名之。山上诸峰竞秀，以海螺峰、宝珠峰、最雄奇。唐末五代即有僧憩息于山中。北宋末法云于山下建一天然石窟寺。清顺治十八年（1661）十月，澹归禅师开山创寺，至康熙五年落成，名别传寺，请天然和尚主法，为第一代祖师。十三年（1674），澹归继任住持。自此丹霞之名始显于世。

本志卷首及卷末有缺页，中未标好卷数及页码，一目录一与正文部分不符。各卷分别载形胜、建置、源流、人物、宗旨、艺文、田赋、诗词等。

勢刻諸斷而邪會書中者文目評字結虛主人
今上下世藏印具存不假于清季極書教市中余因
辨印之元也悅為字強藏之而今不敢自私也真有真
實當知識此于北壯雅貴之外又而中世及後虛
諸世解也愚公谷之氣在精舍



仁化之有丹霞山、游者無不以為奇絕。吾謂天下之山、不獨一丹霞、而丹霞之名、因澹歸而始著。夫澹歸人傑也、觀其山志所載、初官臨清、為民傲上、解組去官、是為強項吏、間闕閩浙、匡輔魯王、繼至肇慶、羽翼桂王、俱以直言被害不死、無所歸處、落髮為僧、是為孤忠、為明哲、既為僧也、上書定南王、為被戮之大學士瞿公、督師張公、請具衣冠以殮。又上書平南王、因編次元公垂範一書、稱李自成為偽、為賊、稱明亦為偽、為賊、力辯其非、有垂理體。

請為鑒正。是為義士、為名儒、開山丹霞、悟清淨旨、平激烈心、是為真隱、為高僧、所謂成兩間之完人、扶一代之正氣者、微斯人、其誰與歸。先是虔撫李公買山奉母以避亂、謂之得地、其弟儀郎公以山屬澹歸、謂之得人、迨後別傳寺成、迎天然和尚為開山第一代祖、謂之得師、以奇人而獲奇山、遭際良非偶然也。當其時大司馬周公撫蠻將軍傅公捐資倡首、以下文武屬僚、無不聞風嚮應、傾囊相助、以成建制、咸舉非徒與之結香火緣也。所重者、

澹歸平生之志節出處耳。澹歸一傳人也哉。康熙十八年，陳石峯大令來宰是邦，時澹歸圓寂未久，頗得其行狀事實，深慕其為人，與二三僚友搜羅山中墨蹟，成山志十卷，迄今二百餘年，書籍少存，字版久失，而澹歸之浩氣英光亦因之而湮沒也。豈不大可慨歟。癸未，向青舫大令權篆斯邑，聞丹霞有志欲得一觀，訪之通邑，僅獲一部，不無殘缺之憾。予在記室，囑為抄錄一通，並檢閱郡志邑乘，尋見山中題壁，纂輯增入，重付枣梨，以傳不朽事。

竣予欣然曰是書也創修於楚新田陳公重刻於
楚監陽向公溯當年澹歸曾避亂於楚之辰州沅芷湘
蘭結為深契三生石上莫非舊因緣也無澹歸則
丹霞不傳無山志則澹歸不著傳讀是書者至澹歸
列傳塔銘二篇則忠義之心自油然而生也其有
功名教詎淺鮮耶幸勿徒作高僧傳觀也可

西蜀素庵居士程運南謹識

序

蓋天地靈秀之物、其生也有常、而廢興顯晦之迹、不能自主、是以荆山之玉、著名于和氏、豐城之劍、傳聲於茂先、推斯類也、則物雖靈而弗靈于人、故或前廢而後興、或始晦而終顯、其必有待於人也明矣。韶隄山水、標炳乘志者固多、而仁邑之丹霞尤著。考其初以巖名者、僅曰錦石、以關名者、僅曰夢覺、未嘗有丹霞之稱也。自有澹歸、而其名遂著。澹歸者、浙人也。明季成進士、氣節敢為、始仕即能批逆鱗、幾陷于死、繼而拂衣逃禪。飛錫是山、躬披

蒙茸剪荆棘、建殿宇、廬舍、有閣有臺、佈置妙絕、遂
開此山生面、創觀、文人過客、登眺其間者、莫不高
吟逸唱、徘徊不忍去、方今

聖天子當陽首出、混一區宇、向嘗

敕守臣修輯輿圖、增置宏規、搜奇補漏、而丹霞勝概、
遂與名山大川、並列誌記、然載筆者、往往畧而不
詳、固亦史氏體格、而披讀之下、不能厭人志意、余
之耳食丹霞者久矣、歲丙子來守韶陽、距郡不百
里、渴欲一至、以償素願、無如簿書鞅掌、逡巡五載、

究未獲親歷其地。山水有知，當應笑我。倘又不能
酣暢于簡策之間，益增慙矣。幸楚新田陳君石峯
來宰是邦，創修山志，釐為十卷。恭逢

方伯魯謙庵先生，浙西鴻寶，粵東柱石，而性耽山
水，筆有雲烟，更加詳定。石峯捐俸授梓，勒成全書。
于是丹霞有專志矣。夫丹霞得澹歸而顯于前，復
得燕許之作手，而益著于後，豈非地以人靈，物以
人重，確乎其不可誣哉！余樂其書之成，并為丹霞
志喜焉。故漫為之序。

時

康熙三十有八年歲在己卯仲冬上浣東海臧興

10

祖子翼父題

序
副半頁

所知、貌畧其所不及知、則陋矣、丹霞山在韶州仁
化縣境、韶之山多銳削、韶之石多空靈、大約臨水
以為勝、丹霞拔起江干、聳削千丈、遠望之如困廩
如層城、周遭五色、石圍之斑斕相錯如錦、故名丹
霞、山形下窄上廣、如攀蓮莖而上、蓮房險隘處、挽
鉄絙以上、頂乃寬平、旁多懸巖石室、禪房梵宇、錯
布其間、環視旁峯、皆笋抽笏立、韶江一綫、縈迴其
下、蓋天下最奇勝處也、自明以前、山初無名人跡、
罕到、乙酉後、中州李鑑湖因其兄文定公丁外艱、

挈家避亂、始闢是山、亂定還故里、而故給諫金道
隱、棄官為僧、號澹歸者居之、披榛削莽、漸次成禪
林、乃迎其師天然和尚主法席、天然以名孝廉出
家、道風冠于嶺表、衲子浩歸、游人至者接踵、由是
丹霞之勝開天下矣、造物之初、二氣融結、即有是
山、而沉埋晦塞、不知幾千萬年、迄今始呈露、若天
作地藏、待其人而開之者然、豈不異哉、鑑湖道隱
乃忠臣義士、天然則傑出禪師、而鑑湖所以避地、
澹歸所以奉師、皆本之忠貞孝友之誠、與他方度